

Naqqiut

Inatsisartut inatsisaannut 4. august 2016-imeersumut siunnersuummi nassuaatit taarsissavai.

(Naqqiutigineqartoq aqqutigalugu kalaallisut qulequtaaraa kiisalu inatsisisstatut siunnersuutip danskisut allanneranut naapertuuttumik nutserneqarnera iluarsineqarput. Peqatigitillugulu naammagittaalliorssinnaanermut pisortanullu aningaasaqarnikkut kingunerisinnaasaanut tunngatillugu nassuaatini erseqqissaasoqarpoq.)

Siunnersuummut nassuaatit

Nalinginnaasumik nassuaatit

1. Aallaqqasiut:

Siunnersut Siumut, Demokraatit Atassutillu 2014-miit 2018-imut naalakkersuisooqatigiinnissamik isumaqatigiissutaat tunngavigalugu suliarineqarpoq. Immikkoortoq "aalisarneq"-mi aalajangersarneqarpoq aalisarsinnaanermut akuersissuteqartarneq siunissami kommuninit suliarineqarsinnaalissasoq. Immikkoortumi "pisortat allaffissornerat"-mi erseqqissarneqarpoq pisortat sullissilluarnerunerat ingerlaannassasoq, taamaaliornikkut innuttaasunik sullissineq pitsaanerulissammat assigiinnerulerlunilu. Tassunnga ilanngullugu taaneqarpoq, suliassat akisussaaffiillu amerlanerit Namminersorlutik Oqartussanit kommuninut nuunneqartussaasut.

2. Siunnersuutip immikkoortui pingarnerit:

Allannguutissatut siunnersuummi Naalakkersuisut malittarisassanik erseqqinnerusunik atortuulersitsisinnaanissaat pingarnertut pineqarpoq, taamaalillutillu communalbestyrelsit aalisarsinnaanermut akuersissutinik tunniussisinnaanermut aqutsinissamik peqquneqarsinnaalerlutik.

Inatsisisstatut siunnersut inatsisartut inatsisaannut maanna atuuttumut sanilliullugu	
<i>Oqaasertai atuuttut</i>	<i>Inatsisisstatut siunnersut</i>
	<p style="text-align: center;">§ 1</p> <p>Aalisarneq pillugu Inatsisartut inatsisaanni nr. 18, 31. oktober 1996-imeersumi, ilaatigut Inatsisartut inatsisaatigut nr. 12, 3. december 2012-imti allangortinneqartukkut, kingullermillu Inatsisartut inatsisaatigut nr. 18, 3. juni 2015-imti allangortinneqarsimasumi imaattunik allanguisoqarpoq:</p>

	1. § 14-mi imm. 5-tut ilanngunneqassaaq: <i>"Imm. 5. Naalakkersuisut malittarisassanik erseqqinnerusunik atortuulersitsinermanni aalisarsinnaanermut akuersissutinik tunniussisoqarnerani allaffissornikkut aqutsineq isumageqqullugu kommunalbestyrelsinut peqqusisinnaapput."</i>
	Inatsisartut inatsisaat 1. januar 2017-imi atuutilissaq.

3. Pisortanut aningaasatigut allaffissornikkullu kingunissai

Aalisarsinnaanermut akuersissutinik tunniussisarnerup Aalisarnermut, Piniarnermut Nunalerinermullu Naalakkersuisoqarfimmiit kommuninut nuunneqarnissaa siunnersuutip kingunerissavaa.

Aalisarsinnaanermut akuersissutinik tunniussisarnermut sulianik ingerlatsinermut sulisunik atuineq massakkut ukiuni 3-ni sulisunik atuinissamut naapertuuppoq. Aalisarnermut, Piniarnermut Nunalerinermullu Naalakkersuisoqarfimmi ukiuni 3-ni sulisunik atuinissaq imaalillugu agguaeqlipoq; ukiumi 1-mi sulineq avataasiorluni aalisarnermut tunniunneqassaaq, ukiunilu 2-ni sulineq sinerissami qanittumi aalisarnermut tunniunneqarluni. Avataasiorluni aalisarnermi ukiumi ataatsimi sulineq AC-fuldmægtigimik 1-mik imaluunniit 500.000 kr.-inik naleqassaaq, sinerissallu qanittuani aalisarnermi sulinissani allaffimmiet fuldmægtigtit sulisut marluk sulinerannik imaluunniit 350.000 kr.-nit marloriarlugit naleqassalluni.

Ilimagisariaqarpoq communalbestyrelsinut tamakkiisumik tunniussineq Aalisarnermut, Piniarnermut Nunalerinermullu Naalakkersuisoqarfimmi sulisunik atuinissaq ukiuniit 3-niit imaluunniit 1,0-imit 1,5 mio. kr.-inut appiarfijumaartoq. Assinganik kommuni sulisunik atuineq ukiunik 3-nik ilaneqarnissaa ilimagisariaqarluni. Taamatulli sulisunik amerlanernik atuineq kommuninut 4-nut agguanneqassaaq, taamaammallu atuinerulerneq kommuninut ataasiakkaanuk ukumik 1-mik minnerussasoq ilimagisariaqarluni. Sulisunik atuineq suliap aallartisarnerani annertunerpaajunissaa ilimanarpoq, tassalu ilinniartitsinissamut piviusunngortitsinissamullu atatillugu.

Tunniussineq immikkoortnunut avittarlugu ingerlanneqarsinnaavoq. Siullertut qarasaasiatigut atortut ineriertortinneqassapput, tamannalu aqutigalugu aalisarsinnaanermut akuersissutinik qinnuteqarneq kommunini ataasiakkaani innuttaasunik sullissivinniit isumagineqarsinnaassalluni. Taamatut aaqqiisoqarnera 1.300.000 kr.-it missaannik aningaasartaqassasoq naatsorsuutigineqarpoq.

4. Inuussutissarsiutinut aningaasatigut allaffissornikkullu kingunissai

Siunnersuutip kingunerisaanik aalisarsinnaanermut akuersissutinik tunniussisinnaanerup kommunenut tunniunneqarpat taava ingerlatsiviit aalisariutaatillillu kommunemut aalisarsinnaanermut akuersissutinik qinnuteqartalissapput Aalisarenrmut, Piniarnermut Nunalerinermullu Naalakkersuisoqarfimmut qinnuteqarnatik.

Siunnersuut inuussutissarsiutinik ingerlataqartunut aningaasaqarnikkut allaffissornikkulluunniit allanik kinguneqassasoq naatsorsuutaanngilaq.

5. Avatangiisinut, pinngortitamut inuillu peqqissusiannut kingunissai

Siunnersuut avatangiisinut, pinngortitamut innuttaasallu peqqissusaannut kinguneqartussatut naatsorsuutigineqanngilaq.

6. Innuttaasunut kingunissai

Siunnersuutip sulianik ingerlatsinerup pitsanngoriartinnissaanik nassataqarnissaa ilimagineqarpoq, taamaalilluni sulianik ingerlatsineq sivikinnerulersillugu, innutaasallu pitsaanerusumik qaninnerusumillu sullinneqarnertik misigisinnaalerlugu.

7. Kingunissai allanut pingaaruteqartoq

Siunnersuut malunnartumik allanik kinguneqassanngitsoq ilimagineqarpoq.

8. Oqartussanik kattuffinnillu il.il. tusarniaaneq

Siunnersuut piffissami 2. juni 2016-imit 1. juli 2016-imut ukununnga tusarniaassutigineqarsimavoq:

Kalaallit Nunaanni Sulisitsisut Peqatigiiffiat GA (ga@ga.gl)

Kalaallit Nunaanni Aalisartut Piniartullu Kattuffiat KNAPK (knapk@knapk.gl)

Kalaallit Nunaanni Politiit (politi@politi.gl)

KANUKOKA (kanukoka@kanukoka.gl)

Kommuneqarfik Sermersooq (kommuneqarfik@sermersooq.gl)

Kommune Kujalleq (kommune@kujalleq.gl)

Qaasuitsup Kommunia (qaasuitsup@qaasuitsup.gl)

Qeqqata Kommunia (qeqqata@qeqqata.gl)

NUSUKA (nusuka@greennet.gl)

Pinngortitaleriffik (info@natur.gl)

Arktisk Kommando (ako-commcen@mil.dk)

GrønlandsBanken (banken@banken.gl)

Generaldirektoratet for Maritime Anleggder og Fiskeri (fisheries-info@ec.europa.eu)

Polar Seafood (polar@polarseafood.gl)

Aningaasaqarnermut Sulisoqarnermullu Aqutsisoqarfik (asa@nanoq.gl)
Inuussutissarsiornermut, Suliffeqarnermut Niuernermullu Naalakkersuisoqarfik
(ISIIN@nanoq.gl)

Ilinniartitaanermut, Kultureqarnermut, Ilisimatusarnermut Ilageeqarnermullu
Naalakkersuisoqarfik (ikiin@nanoq.gl)

Peqqissutsumut Naalakkersuisoqarfik (pn@nanoq.gl)

Pinngortitamut, Avatangiisut Nukissiuuteqarnermullu Naalakkersuisoqarfik (paian@nanoq.gl)

Naalakkersuisut Siulittaasuata Naalakkersuisoqarfia (govsec@nanoq.gl)

Aningaasaqarnermut Naalakkersuisoqarfik (oeq@nanoq.gl)

Tusarniaaffissap naareernerata kingorna siunnersuut ima nassuiaasoqarnissaanik pilersitsivoq:
Tassunga atatillugu oqaatigineqassaaq tusarniaanermut akissutit taamaallaat
pingaaruteqarnerannik naliliineq tunngavigalugu pingaarnertigut taaneqaaqqimmata.
Tusarniaanermut akissutinut Naalakkersuisoqarfip oqaaseqaatai equngasumik allanneqarput.

Kommunit aalisarsinnaanermut akuersissutinik tunniussisinnaanngornerat qanoq
kinguneqassanersoq itisilerneqartariaqartoq Aningaasaqarnermut Naalakkersuisoqarfimmuit
tusarniaanermut akissummi oqaatigineqarpoq. Tamatuma saniatigut Aningaasaqarnermut
Naalakkersuisoqarfimmuit apeqqutigineqarpoq ilumoornersoq aalisartoq APNN-imut
aalisarsinnaanermut akuersissummik pinarluni qinnuteqartassanersoq, kommunillu
akuersissummik tunniussinnginnerani taakkua qinnuteqaammik akuersisartuussaanersut.

*Inatsisisatut siunnersuummi naammattumik tunngavissaqarnissap qulakkeernissaa
siunertarineqarpoq, Naalakkersuisut taamaalillutik erseqqinnerusunik
malittarisassiornerminni akuersissutinik tunniussisarneq communalbestyrelsinit
isumageqqullugu peqqusisinnaassammata. Kommunalbestyrelsinit tunniussinissamut
malittarisassat erseqqinnerusut oqaasertaliornissaat eqqortut ilusissaallu inatsisisatut
siunnersuummi taaneqanngillat.*

Aningaasaqarnermut Naalakkersuisoqarfip tusarniaanermut akissummini paaserusuppaal
ilumut Digitaliseeriinermut Aqutsisoqarfik (DIA) periutsip ineriertortinnissaa
naaleqqussarnissaalu pillugit attaveqarfingineqarsimanersut, qanorlu akiliisoqarnissap
suliarinerani ilanngullugit aperineqarsimanersut.

*Apeqqutigineqartoq aallaavimmigut inatsisisatut siunnersuutip avataaniippoq.
Nalunaarutigineqarsinnaavorli aalisarsinnaanermut akuersissutinik tunniussisarneq
kommunalbestyrelsinit tunniunneqarneranut tunngatillugu Digitaliseeriinermut
Aqutsisoqarfik ilaatinneqarsimamat.*

Aningaasaqarnermut Naalakkersuisoqarfimmuit oqaatigineqarpoq sulisussat qanoq
amerlatigisut piareeqqanersut iluamik erseqqissaaffigisariaqartoq - aammalu

sipaarfiusinnaasut ilanngullugit. Tamatuma saniatigut ataasiaannartumik aningaasartuutinut, aningaasartuutinut ataavartunut, sipaarfingeqartunut ilanngaaseereerlunilu aningaasartuutinut tamarmiusunut takussutaasinnaasunik Aningaasaqarnermut Naalakkersuisoqarfik ujartuivoq.

Kommuninut aalisarsinnaanermut akuersissutinik tunniussisarneq tunniunneqassappat inatsisisstatut siunnersuummi tunngavissaq pisariaqartinneqartoq pigilertariaqarpoq. Tunniussisoqarniarpll qanoq annertutigisunik tunniussisoqassanersoq qanoq imaqartitsisoqassanersoq inatsisisstatut siunnersuummi ilanngunneqarsimanngilaq. Tamakkulu pissutigalugit sulisut qassit peerneqassanersut iluamik erseqqissaaffigissallugu periarfissaqaqanngilaq.

Aningaasaqarnermut Naalakkersuisoqarfimmiit naggasiutigalugu oqaatigineqarpoq inatsisisstatut siunnersuummi angallatit meterit 6-nik angissusillit mikinerillu kisimik pineqarmata.

Aalisarnermut, Piniarnermut Nunalerinermullu Naalakkersuisoqarfíup inatsisisstatut siunnersuut iluarsissuteqarfigisimavaa, taamaalillunilu aalisarsinnaanermut akuersissutinik tunniussisoqartillugu angallatit meterinik 6-nik angissusillit mikinerillu kisimik pineqarunnaarlutik.

Aalisarsinnaanermut akuersissutinut killiliisoqarnissaani akuersissutit sorliit kommuninit aqunneqassanersut pillugit qanoq aalajangersaasoqassanersoq Kommuneqarfik Sermersuumit tusarniaanermut akissummi ujartorneqarpoq.

Inatsisisstatut siunnersuut tusarniaassutigineqartut tunniunnissaannut killiliussaq qaangiutereeroq iluarsineqarsimavoq, taamaalillunilu allannguutissatut siunnersuummi angallatit meterinik 6-inik angissusillit mikinerusullu kisimik pineqarunnaarlutik. Aalisarsinnaanermut akuersissutinik sorlernik communalbestyrelsit aqutsinissaanni killiliinermi malittarisassat erseqqinnerusut Naalakkersuisunit aalajangersarneqartut malinneqartussaassapput.

Kommuneqarfik Sermersuumit aamma oqaatigineqarpoq sulianut massakkut Namminersorlutik Oqartussani suliarineqartunut erseqqinnerusunik nassuaasoqartariaqarsimagaluartoq, suliarlu tamanna qanoq isilluni kommuninut assigiinngitsunut assigiimmik agguanneqarsimanersoq erseqqissaaffigalugu.

Matumani allannguutissatut siunnersuut kisimi pineqarpoq, taannalu aqqutigalugu naammattumik tunngaveqarnissaq qulakkeerneqassaaq, taamaaliornikkut Naalakkersuisut akuersissutit tunniuttarneranni communalbestyrelsit aqutsinissaannik peqqusinnaassammatigik.

Tamannalu pissutigalugu sulinerit sorliit kommuninut tunniunneqassanersut massakkorpiaq nassuaaffigissallugit periarfissaqaqanngilaq.

Qeqqata Kommunianit tusarniaanermut akissummi oqaatigineqarpoq APPN-ip tungaanit qanoq iliortoqarniarnera kommunimit erseqqissumik paaserusunneqartoq, siunissamilu ingerlatsinissaq qanoq kommunimut isumaqassanersoq.

Matumani allannguutissatut siunnersuut kisimi pineqarpoq, taannalu aqqutigalugu naammattumik tunngaveqarnissaq qulakkeerneqassaaq, taamaaliornikkut Naalakkersuisut akuersissutit tunniuttarneranni communalbestyrelsit aqutsinissaannik peqqusinnaassamatigik.

Taamaammat APPN-ip tungaanit qanoq iliortoqassanersoq erseqqissumik oqaatigissallugu massakkorpiaq nassuiaruminaappoq, soorluttaarlu siunissami kommunit qanoq ingerlatsinissaat iluamik akineqarsinnaanani.

Kalaallit Nunaanni Politiit tusarniaanermut akissutiminni assersuuteqarput, tassalu pisassiissutaasut saniasigut qilalukkamik qernertamik pisaqartoqarsimasoq kommuni pisassiissutit qaangerlugit akuersissutinik amerlanernik tunniussisimamat, kommunilu piniarnerup unitsinnissaanik kingusinaarluni nalunaaruteqarluni. Kalaallit Nunaanni Politiit kaammattuutigaat inatsisissatut siunnersuummi naammattumik tunngaviliinissami erseqqinnerusunik malittarisassani ajornartorsiutinngortoq tamanna isiginiarneqassasoq.

Aalisarnermut, Piniarnermut Nunalerinermullu Naalakkersuisoqarfip ajornartorsiut takusinnaavaa, erseqqinnerusunillu malittarisassiornermi ajornartorsiut maluginiarneqassasoq.

Uku oqaaseqaateqanngillat:

Aningaasaqarnermut Sulisoqarnermullu Aqutsisoqarfik
Pinngortitaleriffik
Qaasuitsup Kommunea
Kommune Kujalleq
Kalaallit Nunaanni Sulisitsisut (GA)
Inuussutissarsiornermut, Suliffeqarnermut Niuernermullu Naalakkersuisoqarfik
Ilinniartitaanermut, Kultureqarnermut, Ilisimatusarnermut Ilageeqarnermullu
Naalakkersuisoqarfik
Peqqissutsumut Naalakkersuisoqarfik
Pinngortitamut, Avatangiisut Nukissiuteqarnermullu Naalakkersuisoqarfik
Naalakkersuisup Siulittaasuata Naalakkersuisoqarfia
NUSUKA
Pinngortitaleriffik
Issittumi Sakkutooqarfik
GrønlandsBANKEN
Generaldirektoratet for Maritime Anliggender og Fiskeri

Polar Seafood
KNAPK
KANUKOKA

Aalajangersakkanut ataasiakkaanut oqaaseqaatit

Nr. 1-imut

Aalisarnermut, Piniarnermut Nunalerinermullu Naalakkersuisoqarfimmijt sulianik avammut nuussisoqarsinnaalernissaata tunngavissaqartilernissaa aalajangersakkami siunertarineqarpoq.

Kommunalbestyrelsit aalisarsinnaanermut akuersissutit pillugit qinnuteqaatinik suliarinnissinnaalernissaat siunnersummi kisimi siunertarineqarpoq.

Aalisarnermut, Piniarnermut Nunalerinermullu Naalakkersuisoqarfijup kommunalbestyrelsini avataaneersutut peqataatitsinerani Aalisarnermut, Piniarnermut Nunalerinermullu Naalakkersuisoqarfik naammagittaalliorfigineqarsinnaasutut inississaaq. Tamannalu innuttaasut kommunalbestyrelsit aalajangigaannut Aalisarnermut, Piniarnermut Nunalerinermullu Naalakkersuisoqarfimmut naammagittaalliorsinnaalernerannik kinguneqarpoq.